

## YMCHWILIAD COVID-19 Y DEYRNAS UNEDIG

### CYLCH GORCHWYL DRAFFT – MAWRTH 2022

Bydd yr ymchwiliad yn archwilio, ystyried ac adrodd ar baratodau a'r ymateb i'r pandemig yn Lloegr, Cymru, Yr Alban a Gogledd Iwerddon hyd at ac yn cynnwys dyddiad sefydlu'r Ymchwiliad yn ffurfiol. Wrth wneud hynny, bydd yn ystyried materion a gedwir yn ôl a materion datganoledig ledled y Deyrnas Unedig, yn ôl yr angen, ond bydd yn ceisio cael cyn lleied â phosibl o ddyblygu ymchwilio, casglu tystiolaeth ac adrodd gydag unrhyw ymchwiliad cyhoeddus arall a sefydlir gan y gweinyddiaethau datganoledig.

Nodau'r ymchwiliad ydy:

#### 1. Archwilio'r ymateb i COVID-19 ac effaith y pandemig yn Lloegr, Cymru, Yr Alban a Gogledd Iwerddon, a pharatoi adroddiad naratif ffeithiol. Yn cynnwys:

- Mewn perthynas â gwneud penderfyniadau iechyd y cyhoedd yn ganolog, yn ddatganoledig ac yn lleol a chanlyniadau hynny:
  - parodrwydd a chydnerthedd;
  - sut cafodd penderfyniadau eu gwneud, eu cyfathrebu a'u gweithredu;
  - gwneud penderfyniadau yn rhynglywodraethol;
  - argaeledd data a thystiolaeth, a'r defnydd ohonynt;
  - rheolaeth ddeddfwriaethol a rheoleiddiol;
  - gwarchod ac amddiffyn y rhai sydd yn agored i niwed yn glinigol;
  - y defnydd o gyfyngiadau symud ac ymyriadau 'anfferyllol' eraill megis cadw pellter cymdeithasol a'r defnydd o orchuddion wyneb;
  - profi ac olrhain cysylltiadau, ac ynysu;
  - cyfyngiadau ar fynychu lleoliadau addysg,
  - cau ac ailagor y sectorau lletygarwch, adwerthu, chwaraeon a hamdden, a sefydliadau diwylliannol;
  - tai a digartrefedd;
  - carchardai a lleoliadau cadw eraill;
  - y system gyfiawnder;
  - mewnfudo a lloches;
  - teithio a ffiniau; a
  - diogelu cyllid cyhoeddus a rheoli risg ariannol.
- Ymateb y sector iechyd a gofal ar draws y Deyrnas Unedig, gan gynnwys:
  - parodrwydd, capasiti cychwynnol a'r gallu i gynyddu capasiti, a chydnerthedd;
  - rheoli'r pandemig mewn ysbytai, gan gynnwys atal a rheoli heintiadau, brysbennu, capasiti gofal critigol, rhyddhau cleifion, y defnydd o benderfyniadau '*Na cheisier dadebru cardio-anadlol*' (DNACPR), y dull o ddelio â gofal lliniarol, profi'r gweithlu, newidiadau i arolygiadau, a'r effaith ar staff a lefelau staffio;
  - rheoli'r pandemig mewn cartrefi gofal a lleoliadau gofal eraill, gan gynnwys atal a rheoli heintiadau, trosglwyddo trigolion i neu o gartrefi, triniaeth a gofal i drigolion, cyfyngiadau ar ymweld, a newidiadau i arolygiadau;
  - caffael a dosbarthu cyfarpar a chyflenwadau allweddol, yn cynnwys PPE a pheiriannau anadlu;
  - datblygu a chyflwyno ymyriadau therapiwtig a brechlynnau;
  - canlyniadau'r pandemig o safbwynt darpariaeth ar gyfer cyflyrau ac anghenion nad ydynt yn gysylltiedig â COVID; a
  - darpariaeth ar gyfer y rhai sy'n profi COVID hir.
- Yr ymateb economaidd i'r pandemig a'i effaith, gan gynnwys ymyriadau llywodraeth ar ffurf:

- cefnogaeth i fusnesau a swyddi, gan gynnwys y Cynllun Cadw Swyddi drwy gyfnod y Coronafeirws, y Cynllun Cymorth Incwm i'r Hunangyflogedig, cynlluniau benthyciadau, rhyddhad ardrethi busnes a grantiau;
- cyllid ychwanegol ar gyfer gwasanaethau cyhoeddus perthnasol; a
- budd-daliadau a thâl salwch, a chefnogaeth i bobl agored i niwed.

**2. Nodi'r gwersi i'w dysgu o'r uchod, a thrwy hynny, llywio paratodau'r Deyrnas Unedig ar gyfer pandemigau yn y dyfodol.**

Wrth gyflawni'r nodau hyn, bydd yr Ymchwiliad yn:

- gwrando ar brofiadau teuluoedd sydd wedi cael profedigaeth a phobl eraill sydd wedi dioddef caledi neu golled o ganlyniad i'r pandemig. Er na fydd yr ymchwiliad yn ymchwilio'n fanwl i achosion unigol o niwed neu farwolaeth, bydd gwrando ar y straeon hyn yn cyfrannu at ei ddealltwriaeth o effaith y pandemig a'r ymateb, ac o'r gwersi sydd i'w dysgu;
- tynnu sylw at sefyllfaoedd ble gallai'r gwersi a ddysgir o'r parodrwydd a'r ymateb i'r pandemig fod yn berthnasol i argyfyngau sifil eraill;
- ystyried profiadau a'r effaith ar weithwyr y sector iechyd a gofal, a gweithwyr allweddol eraill yn ystod y pandemig;
- ystyried unrhyw anghyfartaleddau a amlygir o safbwynt effaith y pandemig ac ymateb y wladwriaeth, gan gynnwys rhai sy'n gysylltiedig â nodweddion gwarchoddedig dan Ddeddf Cydraddoldeb 2010 a chategorïau cydraddoldeb dan Ddeddf Gogledd Iwerddon 1998, fel y bo'n berthnasol;
- rhoi sylw rhesymol i gymariaethau rhyngwladol perthnasol; a
- paratoi ei adroddiadau (gan gynnwys adroddiadau dros dro) ac unrhyw argymhellion mewn modd amserol.